



選詩卷二

梁昭明太子蕭統選



詠史

詠史詩

王粲

善作共所

五臣作昔

惜哉空爾為極
佳通篇立意亦
豪
王昌齡曰此一
以譏曹公殺戮
一以許曹公
自古無殉死。達人所共知。秦穆殺三良。惜哉空
爾為。結髮事明君。受恩良不訾。臨沒要之死。焉
得不相隨。妻子當門泣。兄弟哭路垂。臨穴呼蒼

天涕下如縷。縻。人生各有志。終不爲此移。同知埋身劇。心亦有所施。生爲百夫雄。死爲壯士規。黃鳥作悲詩。至今聲不虧。

三良詩

釋皎然曰陳王詩云秦穆云云王祭云秦穆殺三良惜哉空爾為蓋以陳王徙國任城被害已後便有憂生之慮其辭婉婉存幾諫也王祭顯青曹公正言其過存直諫也二詩體格高逸才藻相隣至如臨穴呼蒼天淚下如縷縻斯乃迥出情表未知陳王將何以敵

曹植

功名不可爲。忠義我所安。秦穆先下世。三臣皆

自殘。生時等榮樂。既沒同憂患。誰言捐軀易。殺

身誠獨難。攬涕登君墓。臨穴仰天歎。長夜何冥

起語有關係殺身誠獨難立意忠厚論事有體

冥。一往不復還。黃鳥爲悲鳴。哀哉傷肺肝。

詠史詩八首

王世貞曰太冲莽蒼詠史招隱綽有兼人之語但太不離琢鍾惺曰古人詠史不指定一事寫意而已今人寫意反靠定用事又曰太冲筆舌靈動遠出潘陸上使潘陸作三都賦有其才決不能有其情思

左思

弱冠弄柔翰。卓犖觀羣書。著論准過秦。作賦擬

子虛。邊城苦鳴鏑。羽檄飛京都。雖非甲冑士。疇

昔覽穰苴。長嘯激清風。志若無東吳。鈇刀貴一

割。夢想騁良圖。左眄澄江湘。右盼定羗胡。功成

不受爵。長揖歸田廬。鍾惺曰不求甚解欣然忘食所謂卓犖觀羣書也以是知拘忌人讀不得書

風諭之志一字千金 呂向曰是詩之意多以喻已 曹立方曰杜詩譚笑無河北蓋用太冲長嘯激清風志若無東吳也王維云虜騎千重只似無則拙矣

譚元春曰蔭字
有心眼升降之
妙
鍾惺曰以彼十
字運開可作一
段戰國策文

釋皎然曰詠史
詩吾希段干木
偃息藩魏君吾
希魯仲連談笑
却秦軍又被褐
出闔闔高步追
許由振衣千仞
岡濯足萬里流
其體裁如龍行
虎步氣逸情高

唐人多出此

王世貞曰以彼
徑寸莖蔭以百
尺條是涉世語
貴者雖自貴棄
之若埃塵是輕
世語振衣千仞
岡濯足萬里流
是出世語每詠
太冲詩便飄欲
仙

鬱鬱澗底松。離離山上苗。以彼徑寸莖。蔭此百
尺條。世胄躡高位。英俊沈下僚。地勢使之然。由
來非一朝。金張藉舊業。七葉珥漢貂。馮公豈不
偉。白首不見招。

吾希段干木。偃息藩魏君。吾慕魯仲連。談笑却
秦軍。當世貴不羈。遭難能解紛。功成耻受賞。高
節卓不羣。臨組不肯綵。對珪寧肯分。連璽曜前
庭。比之猶浮雲。

濟濟京城內。赫赫王侯居。冠蓋蔭四術。朱輪竟
長衢。朝集金張館。暮宿許史廬。南鄰擊鍾磬。北
里吹笙竽。寂寂楊子宅。門無卿相輿。寥寥空宇
內。所講在玄虛。言論准宣尼。辭賦擬相如。悠悠
百世後。英名擅八區。

皓天舒白日。靈景耀神州。列宅紫宮裏。飛宇若
雲浮。峨峨高門內。藹藹皆王侯。自非攀龍客。何
爲歛來游。被褐出闔闔。高步追許由。振衣千仞

宋初曰二語使人飄飄有世表意

岡。濯。足。萬。里。流。

荆。軻。飲。燕。市。酒。酣。氣。益。震。哀。歌。和。漸。離。謂。若。傍

平聲

無。人。雖。無。壯。士。節。與。世。亦。殊。倫。高。眇。邈。四。海。豪

右。何。足。陳。貴。者。雖。自。貴。視。之。若。埃。塵。賤。者。雖。自

賤。重。之。若。千。鈞。

善作果樵

主。父。宦。不。達。骨。肉。還。相。薄。買。臣。困。樵。采。伉。儷。不

安。宅。陳。平。無。產。業。歸。來。翳。負。郭。長。卿。還。成。都。壁

立。何。寥。廓。四。賢。豈。不。偉。遺。烈。光。篇。籍。當。其。未。遇

時。憂。在。填。溝。壑。英。雄。有。迤。邐。由。來。自。古。昔。何。世
無。奇。才。遺。之。在。草。澤。

習。習。籠。中。鳥。舉。翮。觸。四。隅。落。落。窮。巷。士。抱。影。守

空。廬。出。門。無。通。路。枳。棘。塞。中。途。計。策。棄。不。收。塊

若。枯。池。魚。外。望。無。寸。祿。內。顧。無。斗。儲。親。戚。還。相

蔑。朋。友。日。夜。疎。蘇。秦。北。游。說。李。斯。西。上。書。俛。仰

生。榮。華。咄。嗟。復。彫。枯。飲。河。期。滿。腹。貴。足。不。願。餘

巢。林。栖。一。枝。可。為。達。士。模。

非徒窮愁者

詠史詩

張協

昔在西京時。朝野多歡娛。藹藹東都門。羣公祖
二疎。朱軒曜金城。供帳臨長衢。達人知止足。遺
榮忽如無。抽簪解朝衣。散髮歸海隅。行人爲隕
涕。賢哉此丈夫。揮金樂當年。歲暮不留儲。頗謂
四座賓。多財爲累愚。清風激萬代。名與天壤俱。
咄此蟬冕客。君紳宜見書。

無弱句亦無佳句

覽古詩

盧諶

趙氏有和璧。天下無不傳。秦人來求市。厥價徒
空言。與之將見賣。不與恐遺患。平聲簡才備行李。圖

不必寫出

令國命全。藺生在下位。繆子稱其賢。奉辭馳出
境。伏軾徑入關。秦王御殿坐。趙使擁節前。揮袂
睨金柱。身玉要俱捐。連城旣僞往。荆玉亦真還。
爰在澠池會。二主尅交歡。昭襄欲負力。相如折

寫得不暢

其端。皆血下霑襟。怒髮上衢冠。西缶終雙擊。東
瑟不隻彈。捨生豈不易。處死誠獨難。稜威章臺
顛。疆禦亦不干。屈節邯鄲中。俛首忍迴軒。廉公
何爲者。負荆謝厥讐。智勇冠當世。弛張使我歎。

張子房詩

謝瞻

王風哀以思。周道蕩無章。卜洛易隆替。興亂罔
不亡。力政吞九鼎。苛慝暴三殤。息肩纏民思。靈

葛立方曰子房
輔漢之業盡于
此數語

神武睦三正數
語遂以大業祈
宋公亦異乎淵
明之心哉

鑒集朱光。伊人感代工。聿來扶興王。婉婉幙中
五臣作暉畫。輝輝天業昌。鴻門銷薄蝕。垓下隕攙槍。爵仇
建蕭宰。定都護儲皇。肇允契幽叟。翻飛指帝鄉。
惠心奮千祀。清埃播無疆。神武睦三正。裁成被
八荒。明兩燭河陰。慶霄薄汾陽。五臣作旌鑿於歷頽寢。飾
像薦嘉嘗。聖心豈徒甄。惟德在無忘。逝者如可
作。揆子慕周行。濟濟屬車士。粲粲翰墨場。瞽夫
違盛觀。竦踊企一方。四達雖平直。蹇步愧無良。

餐和忘微遠。延首詠太康。

秋胡詩

顏延之

一節一節遂出
情款接上起下
信是妙手
鍾惺曰峻節二
語雖不佳已伏
盡全詩之案
有地步

倚梧傾高鳳。寒谷待鳴律。影響豈不懷。自遠每
相匹。婉彼幽閑女。作嬪君子室。峻節貫秋霜。明
艷侔朝日。嘉運既我從。欣願自此畢。
燕居未及好。良人顧有違。脫巾千里外。結綬登
王畿。戒徒在昧旦。左右來相依。驅車出郊郭。行

鍾惺曰太白妾
夢越風波本此
然妙此

譚元春曰只是
勞人二字却用
得妙

鍾惺曰寢興日
已寒五字感深

路正威遲存為久離別沒為長不歸。

嗟余怨行役。三陟窮晨暮。嚴駕越風寒。解鞍犯
霜露。原隰多悲涼。迴飈卷高樹。離獸起荒蹊。驚
鳥縱橫去。悲哉游宦子。勞此山川路。

音迢

超遙行人遠。宛轉年運徂。良時為此別。日月方
向除。孰知寒暑積。僂俛見榮枯。歲暮臨空房。涼
風起坐隅。寢興日已寒。白露生庭蕪。

勤役從歸願。反路遵山河。昔辭秋未素。今也歲

善作醉

譚元春曰此語
真朴有味子美
常用此務字

又曰着相與字
便不澹章

又曰密字下得
渾金玉聲三字
便不膚淺

楊慎曰呂氏春
秋膠鬲見武王
于鮪水曰西伯
竭至注竭何也
則竭之為言盡
也竭未空復辭
以謂盡未始通

鍾惺曰此語用
為首句便深妙

二句接得有
力匠語亦奇
鍾惺曰板得有
趣 又曰秋胡
妻之孔畢竟為
窺其夫之無情
耳昔人謂其死
于如論雖稍刻
實有至理

載華蠶月觀時暇。桑野多經過。佳人從所務。窈
窕援高柯。傾城誰不顧。弭節停中阿。

年往誠思勞。路遠濶音形。雖為五載別。相與昧

平生捨車遵往路。鳧藻馳日成。南金豈不重。聊

自意所輕。義心多苦調。密比金玉聲。

高節難久淹。竭來空復辭。遲遲前途盡。依依造

門基。上堂拜嘉慶。入室問何之。日暮行采歸。物

色桑榆時。美人望昏至。慙歎前相持。

路善作事

鍾惺曰漢詩中深厚語 又曰善下虛字有趣有力

鍾惺曰溫其情事詳婉可想其叙手之暇

合此句如而深在物色二字

又曰由望昏二字盡景慙歎二字盡情

譚元春曰秋胡詩 只如此叙其事化 筆秀手

有懷誰能已。聊用申苦難。離居殊年載。一別阻
河關。春來無時豫。秋至恒早寒。明發動愁心。閨
中起長歎。悽慘歲方宴。日落游子顏。
高張生絕絃。聲急由調起。自昔枉光塵。結言固
終始。如何久為別。百行愆諸已。君子失明義。誰
與偕沒齒。愧彼行露詩。其之長川汜。

善作儻

五君詠五首

譚元春曰七賢名盛延之于其中黜却二人如此眼中胸
中下筆何患不深細何患不高潔
鍾惺曰延年五君詠另換一番心手如對名士御各自
消

顏延之

一字一句潤深
綺吝替嘆處微
言片語妙極形
容詠史之第一
流也
鍾惺曰識參鑿
亦洞用世出世
人俱少以五字
不得阮公之微
亦盡于此

鍾惺曰吐論知
凝神所謂悠々
忽々五字想出
又曰立俗二字
有骨

鍾惺曰滅聞見
深懷情尤深
又曰韜精更深
於埋照
呂向曰延年自
解
譚元春曰古人
看人文章如此

張說曰以亦延
年自謂

阮步兵

阮公雖淪跡。識密鑿亦洞。沈醉似埋照。寓辭類
譚元春曰是詠懷詩。平白出。獨得清之神。
託諷長嘯若懷人。越禮自驚眾。物故不可論。途
窮能無慟。張銑曰此延年自托以為途窮者。

嵇中散

中散不偶世。本自餐霞人。形解驗默仙。吐論知
凝神。立俗迕流議。尋山洽隱淪。鸞翮有時鍛。龍
性誰能馴。張銑曰此以喻康亦復自謂。

劉參軍

劉伶善閉關。懷情滅聞見。鼓鍾不足歡。榮色豈
鍾惺曰讀以五字知飲酒不易言。
能眩。韜精日沈飲。誰知非荒宴。頌酒雖短章。深
衷自此見。

阮始平

仲容青雲器。實稟生民秀。達音何用深。識微在
五臣作人 鍾惺曰此語正深

金奏。郭奕已心醉。山公非虛覲。屢薦不入官。一

麾乃出守。古今詩話云今之郡守謂之建麾蓋用延年詩誤也延年所謂一麾乃指
麾之麾非旌麾之麾也謂山濤薦咸為吏部郎三上不用後為尚書所
擢出守始平故有以向延年被擢以自托耳杜牧登樂原詩誤用
之云擬把一麾江海去自以遂為故事然實誤也

鍾惺曰毫素非
深心不能托非
淡薄不能深讀
書作詩文古人
何嘗淺看
譚元春曰鴻軒
鳳舉不是他數
久交情中語

向常侍

向秀甘淡薄。深心託毫素。探道好淵玄。觀書鄙

鍾惺曰深心處

章句。交呂既鴻軒。攀嵇亦鳳舉。流連河裏游。側

愴山陽賦。

王世貞曰延年五君詠忽自秀于他作如沉醉似埋照寓辭似
托認鴛翻有時鐵龍性誰能馴以已之翫麟也韜精曰沈飲
誰知非荒宴以解已之任誕也屢薦不入官一塵乃出守以感已之
滯滯也語意既雋永亦易吟詠

詠史詩

鮑照

五都矜財雄。三川養聲利。百金不市死。明經有
高位。京城十二衢。飛薨各鱗次。仕子剽華纓。遊

退處既久所以
自况

客竦輕轡。明星辰未稀。軒蓋已雲至。賓御紛颺
杳。鞍馬光照地。寒暑在一時。繁華及春媚。君平
獨寂寞。身世兩相棄。

詠霍將軍北伐詩

虞羲

擁旄爲漢將。汗馬出長城。長城地勢險。萬里與

五臣作窮

雲平。涼秋八九月。虜騎入幽并。飛狐白日晚。瀚

善作陰

海愁雲生。羽書時斷絕。刁斗晝夜驚。乘墉揮寶

未數語味索

五臣作旌
劍蔽日引高旂。雲屯七萃士。魚麗六郡兵。胡笳
關下思。羌笛隴頭鳴。骨都先自聾。日逐次亡精。
玉門罷斥候。甲第始修營。位登萬庾積。功立百
行成。天長地自久。人道有虧盈。未窮激楚樂。已
見高臺傾。當令麟閣上。千載有雄名。

百一

百一詩

應璩

向良俊曰詩家相沿各有流派蓋潘陸規模于子運在思步騶于劉楨而靖節質直出于應璩之百一蓋顯然明著者也徐楨卿曰休璩百一微能自振然傷媚焉

下流不可處。君子慎厥初。名高不宿著。易用受

五臣作墮

侵誣。前者墮官去。有人適我問。田家無所有。酌

醴焚枯魚。問我何功德。三入承明廬。所占於此

土。是謂仁智居。文章不經國。筐篋無尺書。用等

稱才學。往往見歎譽。避席跪自陳。賤子實空虛。

五臣作知

宋人遇周客。慙愧靡所如。

遊仙

遊仙詩

何劭

青青陵上松。亭亭高山栢。光色冬夏茂。根柢無彫落。吉士懷貞心。悟物思遠託。揚志玄雲際。流目矚巖石。羨昔王子喬。友道發伊洛。迢遞陵峻岳。連翩御飛鶴。抗跡遺萬里。豈戀生民樂。長懷慕仙類。眇然心絲邈。

五臣作人

游仙詩七首

鍾嶸曰游仙之作辭多慷慨乖遠玄宗其云奈何虎豹姿又云戩翼種榛梗乃是坎壈詠懷非列仙之趣也

郭璞

李善曰凡游仙之篇皆所以滓穢塵網錙銖纓紱食霞倒景餌玉却而瓊之制文多自叙鍾志狹中區而辭多俗累見非前識良有以哉呂向曰璞詩雖游仙意雜傲誕上下道德信遠乎哉

景純自傷坎壈不成康濟寓旨懷仙用以寫鬱詩品乃譏其無列仙之趣以此

以辭害意也

王世貞曰景純

游仙曄佳麗

第少玄旨

京華遊俠窟。山林隱遯棲。朱門何足榮。未若託蓬萊。音夷叶臨源挹清波。陵岡掇丹莢。靈谿可潛盤。安事登雲梯。漆園有傲吏。萊氏有逸妻。進則保龍見。退為觸藩羝。高蹈風塵外。長揖謝夷齊。青谿千餘仞。中有一道士。雲生梁棟間。風出窓戶裏。借問此何誰。云是鬼谷子。翹迹企潁陽。臨河思洗耳。闔闔西南來。潛波渙鱗起。靈妃顧我笑。粲然啟玉齒。蹇修時不存。要之將誰使。

釋皎然曰郭景
純左挹二語與
鮑明遠行路難
其道如黃鵠臨
風貌逸神王杳
不可羈

翡翠戲蘭苕。容色更相鮮。綠蘿結高林。蒙籠蓋
一山。中有冥寂士。靜嘯撫清絃。放情凌霄外。嚼
藥挹飛泉。赤松臨上游。駕鴻乘紫烟。左挹浮丘
袖。右拍洪崖肩。借問蜉蝣輩。寧知龜鶴年。
六龍安可頓。運流有代謝。時變感人思。已秋復
願夏。淮海變微禽。吾生獨不化。雖欲騰丹谿。雲
螭非我駕。愧無魯陽德。迴日向三舍。臨川哀年
邁。撫心獨悲吒。

五臣作令

逸翮思拂霄。迅足羨遠遊。清源無增瀾。安得運
吞舟。珪璋雖特達。明月難闇投。潛穎怨青陽。陵
茗哀素秋。悲來惻丹心。零淚綠纓流。

五臣作浮

雜縣寓魯門。風煖將為災。吞舟湧海底。高浪駕
蓬萊。神仙排雲出。但見金銀臺。陵陽挹丹溜。容
成揮玉杯。姒娥揚妙音。洪崖領其頤。升降隨長
煙。飄颻戲九垓。竒齡邁五龍。千歲方嬰孩。燕昭
無靈氣。漢武非仙才。

釋皎然曰姒娥
二語與何求王
梵志道情詩智
知章放達詩其
道如楚有接輿
魯有原壤外示
驚俗之貌內藏
達人之度

李善曰雜詩左
居陸後而以在
前誤

譚元春曰巷中
情思滿荒途橫
古今同一妙想
要知妙想所以
同

王世貞曰重犯
不害為古此詩
絲竹清音嘯歌
重犯乃害古也
然使各用之山
水清音極是妙
詠灌木悲吟不
失佳語故曰離
則獲美合則西
傷
鍾惺曰竹栢得
其真五字深微
譚元春曰以格
言招之不得不
未又曰良辰
入奇懷自外以
之內逍遙撰良
辰自內以之外
幽趣則一

晦朔如循環。月盈已復魄。蓐收清西陸。朱羲將
由白。寒露拂陵茗。女蘿辭松栢。薜榮不終朝。蟬
螿豈見夕。圓丘有奇草。鍾山出靈液。王孫列八
珍。安期鍊五石。長揖當途人。去來山林客。

招隱詩二首

鍾惺曰氣和語厚所以為真隱 又曰詠史在事
却入情招隱在趣却入理所以深妙而遠

左思

杖策招隱士。荒塗橫古今。巖穴無結構。丘中有
鳴琴。白雲停陰岡。丹葩曜陽林。石泉漱瓊瑤。織

鱗或浮沉。非必絲與竹。山水有清音。何事待嘯
歌。灌木自悲吟。秋菊兼糒糧。幽蘭間重襟。躊躇
足力煩。聊欲投吾簪。

經始東山廬。果下自成榛。前有寒泉井。聊可瑩
心神。梢舊青葱間。竹栢得其真。弱葉栖霜雪。飛
榮流餘津。爵服無常玩。好惡有屈伸。結綬生纏
牽。彈冠去埃塵。連惠非吾屈。首陽非吾仁。相與
觀所尚。逍遙撰良辰。

招隱詩

陸機

明發心不夷。振衣聊躑躅。躑躅欲安之。幽人在
浚谷。朝采南澗藻。夕息西山足。輕條象雲構。密
葉成翠幄。激楚佇蘭林。回芳薄秀木。山溜何冷
冷。飛泉漱鳴玉。哀音附靈波。頽響赴曾曲。至樂
非有假。安事澆淳樸。富貴苟難圖。稅駕從所欲。

五臣作結風

楊慎曰附音拊
不惟便于讀
亦兼宜爾也

脫去纏牽意詞
精麗

反招隱詩

王康琚

小隱隱陵藪。大隱隱朝市。伯夷竄首陽。老聃伏
柱史。昔在太平時。亦有巢居子。今雖盛明世。能
無中林士。放神青雲外。絕迹窮山裏。鷓鴣先晨
鳴。哀風迎衣起。凝霜凋朱顏。寒泉傷玉趾。周才
信衆人。偏智任諸已。推分得天和。矯性失至理。
歸來安所期。與物齊終始。

遊覽

芙蓉池作

魏文帝

真德秀曰文帝詩之入選者芙蓉池居其首其末章壽命云云其言何以異於秦二世陳壽訊其不能邁志存道克廣德心信矣哉

乘輦夜行遊。逍遙步西園。雙渠相溉灌。嘉木繞通川。卑枝拂羽蓋。修條摩蒼天。驚風扶輪轂。飛鳥翔我前。丹霞夾明月。華星出雲間。上天垂光采。五色一何鮮。壽命非松喬。誰能得神仙。遨遊快心意。保已終百年。

南州栢公九井作

殷仲文

四運雖鱗次。理化各有準。獨有清秋日。能使高興盡。景氣多明遠。風物自凄緊。爽籟驚幽律。哀壑叩虛牝。歲寒無早秀。浮榮甘夙隕。何以標貞脆。薄言寄松菌。哲匠感蕭晨。肅此塵外軫。廣筵散泛愛。逸爵紆勝引。伊余樂好仁。惑祛吝亦泯。猥首阿衡朝。將貽匈奴哂。

游西池

結拙

鍾惺曰此中二句尋常語移作起便妙

又曰森秀

又曰順字有意無意妙絕

謝混

五臣本無此二句

悟彼蟋蟀唱。信此勞者歌。有來豈不疾。良遊常
蹉跎。逍遙越城肆。願言屢經過。迴阡被陵闕。高
臺眺飛霞。惠風蕩繁囿。白雲屯曾阿。景昊鳴禽
集。水木湛清華。褰裳順蘭沚。徙倚引芳柯。美人
愆歲月。遲暮獨如何。無為牽所思。南榮戒其多。

泛湖歸出樓中翫月

謝惠連

日落泛澄瀛。星羅游輕橈。憇榭面曲汜。臨流對
迴潮。輟策共駢筵。並坐相招要。哀鴻鳴沙渚。悲
猿響山椒。亭亭映江月。瀏瀏出谷颺。斐斐氣幕
岫。泫泫露盈條。近矚祛幽蘊。遠視蕩諠囂。晤言
不知罷。從夕至清朝。

從游京口北固應詔

謝靈運

玉璽戒誠信。黃屋示崇高。事為名教用。道以神

虞九章曰詩本應詔而語意乃在高尚

理超昔聞汾水游。今見塵外鑣。鳴笳發春渚。稅
鑾登山椒。張組眺倒景。列筵矚歸潮。遠巖映蘭
薄。白日麗江臯。原隰萋綠柳。墟囿散紅桃。皇心
美陽澤。萬象咸光昭。顧已在維繫。撫志慙場苗。
工拙各所宜。終以反林巢。曾是榮舊想。覽物奏
長謠。

晚出西射堂

謝靈運

調句極工組意
自適

步出西城門。遙望城西岑。連障疊巘嶸。青翠杳
深沈。曉霜楓葉丹。夕曛嵐氣陰。節往感不淺。感
來念已深。羈雌戀舊侶。迷鳥懷故林。含情尚勞
愛。如何離賞心。撫鏡華緇鬢。攬帶緩促衿。安排
徒空言。幽獨賴鳴琴。

登池上樓

葉夢得曰世多不解池塘二語為工蓋欲以奇求之耳此語
之工正在無所用意猝然與景相遇借以成章不假繩削
故非常情所能到詩家妙處當以此為根本而思苦難言
者往不快王世貞曰明月照積雪是佳境非佳語池塘
生春草是佳語非佳境以語不必過求亦不必深賞

謝靈運

潛虬媚幽姿。飛鴻響遠音。薄霄愧雲浮。棲川作

鍾惺曰亦是俳
語作起便清洒
又曰愧字難解
却妙

譚元春曰古人之言

釋皎然曰池塘生春草情在言外明月照精雪旨冥句中風力雖齊意興各別又曰情在言外故其語如澹而無味常手覽之何異文侯聽古樂

鍾惺曰遠峰隱半規五字工而冷句而真從未詩中落日妙語又曰惜時人始知未厭二字之妙又曰止字妙譚元春曰哀人苦境盡情所止三字

鍾惺曰力勁在猶字六字

淵沈進德智所拙退耕力不任循祿反窮海卧

疴對空林衾枕昧節候寒開暫窺臨傾耳聆波

瀾舉目眺嘔噉初景華緒風新陽改故陰池塘

生春草園柳變鳴禽祁祁傷幽歌萋萋感楚吟

索居易永久離羣難處心持操豈獨古無悶微

在今李東陽曰古不可涉律古涉律調如謝靈運池塘生春草紅藥當堦翻雖一時傳誦固已移于流俗而不自覺

游南亭

謝靈運

時竟夕澄霽雲歸日西馳密林含餘清遠峯隱

半規久痲昏墊苦旅館眺郊歧澤蘭漸被徑芙

蓉始發池未厭青春好已觀朱明移感感感物

歎星星白髮垂藥餌情所止衰疾忽在斯逝將

候秋水息景偃舊崖我志誰與亮賞心唯良知

游赤石進帆海

謝靈運

首夏猶清和芳草亦未歇水宿淹晨暮陰霞屢

又曰陰霞二字非老於水上靜觀人不知

王世貞曰挂席拾海月事俚而語雅

畢竟肆志之言卒致天伐不能謝矣

不獨雋句亦有真趣

王世貞曰靈運天質奇麗運思精鑿雖格體創

興沒周覽倦瀛壖况乃凌窮髮川后時安流天
吳靜不發揚帆采石華挂席拾海月溟漲無端
倪虛舟有超越仲連輕齊組子牟眷魏闕矜名
道不足適已物可忽請附任公言終然謝天伐
石壁精舍還湖中

謝靈運

昏旦變氣候山水含清暉清暉能娛人游子澹
忘歸出谷日尚早入舟陽已微林壑歛暝色雲

霞收夕霏芰荷迭映蔚蒲稗相因依披拂趨南
徑愉悅偃東扉慮澹物自輕意愜理無違寄言
攝生客試用此道推

登石門最高頂

謝靈運

晨策尋絕壁夕息在山棲疏峯抗高館對領臨
迴谿長林羅戶庭積石擁基階連巖覺路塞密
竹使徑迷來人忘新術去子惑故蹊活活夕流

葛立方曰：抵壚之洩，能處順乎？五年之既，能待終乎？可謂心口相違矣。

奇句動人，寄興亦妙。

王世貞曰：天雞弄和風景，近而趣遠。

駛、噉、噉、夜、猿、啼、沈、冥、豈、別、理、守、道、自、不、攜、心、契、
九、秋、幹、目、翫、三、春、蕙、居、常、以、待、終、處、順、故、安、排、
惜、無、同、懷、客、共、登、青、雲、梯、

於南山往北山經湖中瞻眺

謝靈運

朝、旦、發、陽、崖、景、落、憇、陰、峯、舍、舟、眺、迴、渚、停、策、倚、
茂、松、側、徑、既、窈、窕、環、洲、亦、玲、瓏、俛、視、喬、木、杪、仰、
聆、大、壑、淙、石、橫、水、分、流、林、密、蹊、絕、蹤、解、作、竟、何、

感、升、長、皆、丰、容、初、篁、包、綠、籜、新、蒲、含、紫、茸、海、鷗、
戲、春、岸、天、雞、弄、和、風、撫、化、心、無、厭、覽、物、眷、彌、重、
不、惜、去、人、遠、但、恨、莫、與、同、孤、遊、非、情、歎、賞、廢、理、
誰、通、

從斤竹澗越嶺溪行

謝靈運

猿、鳴、誠、知、曙、谷、幽、光、未、顯、巖、下、雲、方、合、花、上、露、
猶、法、透、迤、傍、隈、奧、迢、迢、陟、陁、峴、過、澗、既、厲、急、登、

鍾惺曰：逶迤迢迢，開後世律詩發套惡對。

譚元春曰：偶對中有景致，機流向外，遠過湖中，瞻眺石門新營二首。

鍾惺曰好溪游
眼老杜許多舟
行妙詩不出乘
流翫迴轉五字
譚元春曰動宕
不覺其用楚詞
末句有達人之
致
鍾惺曰迂重語
有深趣莫作滯
累看

棧亦陵。緬川渚。屢逕復。乘流翫迴轉。蘋萍泛沈
深。菰蒲冒清淺。企石挹飛泉。攀林摘葉卷。想見
山阿人。薜蘿若在眼。握蘭勤徒結。折麻心莫展。
情用賞爲美。事昧竟誰辨。觀此遺物慮。一悟得
所遣。

應詔觀北湖田收

顏延之

周御窮轍跡。夏載歷山川。蓄軫豈明懋。善游皆

聖僊帝暉。應順動清蹕。巡廣廡樓觀。眺豐穎金

駕映松山。飛奔互流綴。緹轂代迴環。神行埒浮

五臣作交映

景爭光溢中天。開冬眷徂物。殘悴盈化先。陽陸

團精氣。陰谷曳寒煙。攢素旣森藹。積翠亦葱芊。

善行

息饗報嘉歲。通急戒無年。溫渥浹輿隸。和惠屬

後筵。觀風久有作。陳詩愧未妍。疲弱謝凌遽。取

累非纏牽。

車駕幸京口侍游蒜山作

張銑曰此題侍
游蒜山翫其詩
意乃不得沒駕

顏延之

元天高北列。日觀臨東溟。入河起陽峽。踐華因
 削成。巖險去漢宇。襟衛徒吳京。流池自化造。山
 關固神營。園縣極方望。邑社總地靈。宅道炳星
 緯。誕曜應晨明。睿思纏故里。巡駕而舊坰。陟峯
 騰輦路。尋雲抗瑤薨。春江壯風濤。蘭野茂萸英。
 宣遊弘下濟。窮遠凝聖情。岳濱有和會。祥習在
 卜征。周南悲昔老。留滯感遺萌。空食疲廊肆。反

末句有不得從
 駕之意

稅事巖耕

車駕幸京口三月三日侍遊曲阿後湖

顏延之

虞風載帝狩。夏諺頌王遊。春方動震駕。望幸傾

善竹辰

五州。山祇躡嶠路。水若警滄流。神御出瑤軫。天

儀降藻舟。萬軸胤行衛。千翼泛飛浮。彫雲麗璇

蓋。祥飈被綵旂。江南進荆艷。河激獻趙謳。金練

五臣作助

照海浦。笳鼓震溟州。藐盼靚青崖。衍漾觀綠疇。

葛立方曰虞巡
 之事遠矣後世
 莫能知其詩也
 若周穆王者勞
 民費財從事于
 以荒之遠豈人
 君之美事乎顏
 延年應詔觀北
 湖田收乃曰周
 御窮轍跡夏載
 歷山川蓄軫豈
 明懋善游皆聖
 仙此詩又云虞
 風云云是開人
 君游豫流亡之

心非所謂告以善道者也

善作
民靈騫都野。鱗翰聳淵丘。德禮既普洽。川岳徧懷柔。

行藥至城東橋

鮑照

鷄鳴關吏起。伐鼓早通晨。嚴車臨迴陌。延瞰歷城闈。蔓草緣高隅。修楊夾廣津。迅風首旦發。平路塞飛塵。擾擾遊宦子。營營市井人。懷金近從利。撫劍遠辭親。爭先萬里途。各事百年身。開芳

詞調俊偉不作靡聲

及稚節。含彩吝驚春。尊賢永照灼。孤賤長隱淪。容華坐消歇。端為誰苦辛。

遊東田

謝朓

戚戚苦無悰。攜手共行樂。尋雲陟累榭。隨山望菌閣。遠樹曖阡阡。生煙紛漠漠。魚戲新荷動。鳥散餘花落。不對芳春酒。還望青山郭。

鍾惺曰出口如不欲重惟恐傷之

從冠軍建平王登廬山香鑪峯

鍾惺曰落字根散字說得花鳥相關有情
呂延濟曰觀淹詩意乃和王詩以不云應教誤

江淹

廣成愛神鼎。淮南好丹經。此山具鸞鶴。往來盡
仙靈。瑤草正翕薶。玉樹信葱青。絳氣下縈薄。白
雲上杳冥。中坐瞰蜿虹。俛伏視流星。不尋遐怪
極。則知耳目驚。日落長沙渚。曾陰萬里生。藉蘭
素多意。臨風默含情。方學松栢隱。羞逐市井名。
五臣作奉幸承光誦末。伏思託後終。五臣作旌

鍾山詩應西陽王教

沈約

善作地險

靈山紀地德。險峭資岳靈。終南表秦觀。少室邇
王城。翠鳳翔淮海。衿帶繞神珂。北阜何其峻。林
薄杳葱青。

發地多奇嶺。千雲非一狀。合杳共隱天。參差互
相望。鬱律構丹巘。陵嶒起青嶂。勢隨九疑高。氣
與三山壯。

卽事旣多美。臨眺殊復奇。南瞻儲胥觀。西望昆

明池。山中咸可悅。賞逐四時移。春光發隴首。秋風生桂枝。

多值息心侶。結架山之足。八解鳴澗流。四禪隱

巖曲。窈冥終不見。蕭條無可欲。所願從之遊。寸

心于此足。

君王挺逸趣。羽旆臨崇基。白雲隨玉趾。青霞雜

桂旗。淹留訪五藥。顧步佇三芝。之焉仰鑣駕。歲

暮以爲期。

五臣作終

五臣作何盼

宿東園

沈約

陳王鬪雞道。安仁采樵路。東郊豈異昔。聊可閑

余步。野徑既盤紆。荒阡亦交互。槿籬疎復密。荆

扉新且故。樹頂鳴風飈。草根積霜露。驚麕去不

息。征鳥時相顧。茅棟嘯愁鴟。平岡走寒兔。夕陰

帶曾阜。長烟引輕素。飛光忽我適。豈止歲云暮。

善作寧

若蒙西山藥。頽齡儻能度。

備極淒涼

游沈道士館

沈約

鍾惺曰學道是何等事與歡娛人事並說妙

秦皇御宇宙。漢帝恢武功。懽娛人事盡。情性猶神仙病根

譚元春曰情性二字有許多天子氣英雄氣在

未克銳意三山上。託慕九霄中。既表祈年觀。復鍾惺曰斷得千古豪貪人心死

寧為二語道破秦王漢武侈心可謂確論

立望仙宮寧為心好道。直由意無窮。日余知止又曰住此妙絕

意無窮亦是放恣不關玄奧此

足。是願不須豐。遇可淹留處。便欲息微躬。山嶂

遠重疊。竹樹近蒙籠。開衿濯寒水。解帶臨清風。

所累非外物。為念在玄空。朋來握石髓。賓至駕

輕鴻。都令人徑絕。唯使雲路通。一舉陵倒景。無

事適華嵩。寄言賞心客。歲暮爾來同。

古意酬到長史漑登琅邪城

徐悱

甘泉警烽候。上谷抵樓蘭。此江稱豁險。茲山復善作拒

鬱盤。表裏窮形勝。襟帶盡巖巒。修篁壯下屬。危

樓峻上干。登陴起遐望。迴首見長安。金溝朝灞

漭。甬道入鴛鸞。鮮車驚華轂。汗馬躍銀鞍。少年

負壯氣。耿介立衝冠。懷紀燕山石。思開函谷丸。
豈如霸上戲。羞取路傍觀。寄言封侯者。數竒良
可歎。

選詩卷二終

選詩卷二訂註

王粲詠史詩

曹公好以已事誅殺賢良故托言秦穆公殺三良自殉以諷之

綆縻

皆繩索

曹植三良詩

植被文帝黜責悔不隨武帝死而托是詩

左思詠史詩

金張

金日磾張湯

七葉

自武至平也

馮公

馮唐白首屈于郎署

術道

許史

許皇后父廣漢為平恩侯史良娣兄恭為樂陵侯

欸也

張協詠史詩

協與兄載並守道不競以屬詠自娛少辟公府後為黃門郎因

托疾遂絕人事協見朝廷貪
祿位者衆故詠此詩以刺之

謝瞻張子房詩

宋高祖北伐見張良廟毀乃
修之并命諸人爲詩瞻時爲

豫章太守
遙以和

三殤

孔子過太山有婦人哭于墓者使子貢問
之曰吾舅死于虎吾夫又死焉吾子又死
焉曰何不去也曰無苛政孔子曰小子志之苛
政猛于虎也秦之苛法天下厭之其暴甚于此

三殤

代工

工官言人
代天理官

薄蝕攬槍

皆喻項羽凡日
不於晦朔蝕者

日薄彗星
爲攬槍

神武

謂宋高祖

明兩燭河陰慶霄薄汾陽

明兩慶霄皆喻宋高祖
河陰汾陽堯舜所居

甄

表也

揆

度也

周行

喻宋

顏延之秋胡詩

鳧藻

秋胡望其妻而前如鳧
鳥得水草歡躍而馳

高張生絕絃聲急

由調起

以琴瑟爲喻也高張必致絕絃立節有
以盡苦聲急自於調起詞苦由乎恨深

顏延之五君詠

延年領步兵好酒踈澹不能
出爲永嘉太守延年甚怨憤乃作五君詠
迹竹林七賢以自喻山濤王戎由貴盛也

遂黜而
不收

默仙

鮑靚曰叔夜示人有終而
實尸解則康默然而仙矣

郭奕

阮咸哀樂
至到過絕

于人太原郭
奕見之心醉

山公

山濤啓事曰咸若在
官之職必妙絕於時

呂

安嵇

嵇康 山陽賦 秀嘗與嵇康寓河內山陽 後經河內山陽作思舊賦

鮑昭詠史詩

五都 洛陽邯鄲臨淄宛成都也 三川 河洛伊也皆 邑居豪華

虞羲詠霍將軍北伐詩

七萃 萃聚也以智力之士七等聚之 魚麗 陣名 六郡 金城隴西天水安定北地

上郡 骨都 匈奴 日逐 匈奴 激楚 清聲也

應璩百一詩

曹爽多違法度璩為是詩以諷焉 詩序云時謂曹爽曰公今聞周公巍巍之彌安知百慮有一失乎百一之名蓋興於此

三入承明廬

承明謁天子待制之處璩初為侍郎又為常侍又為侍中故云三入

宋人遇周客

宋有愚人得燕石以為大寶而藏之周客問而

此至歎譽 問者之辭 觀焉掩口盧胡而笑曰 此燕石也與瓦礫不殊

郭璞游仙詩

寒修

古賢 媒

赤松浮丘洪崖

並仙人

六龍

日駕也

淮海

變微禽

雉入淮為蜃 雀入水為蛤

丹谿

不死之國

雲螭

龍也

魯陽

魯陽

公與韓邁難戰酣日暮援 戈而麾之日為之反三舍

潛穎怨青陽陵茗哀

素秋

穎茗皆草木也生潛隱之處則怨青陽之不至生陵阜之上則哀素秋之早及言仙

俗殊事異 雜縣 爰居見 陵陽容成 皆仙 五龍 皇

宜與此同 君也兄弟四人皆人面而龍身長曰角龍次曰

徵龍次曰商龍次曰羽龍父曰宮龍父與諸子

同仙在 蓐收 孟秋 西陸 日行西陸 朱羲 日 由白

立秋秋分 西從白道 左思招隱詩 思苦天下溷濁故將招

荒途橫古今 荒廢之道橫絕 榛 木叢

王康琚反招隱詩 康琚以為混俗自處足以

故作反招隱之詩 免患何必山林然後為道

殷仲文南州桓公九井作 姑熟桓玄所出大

故曰南州其畧九井山仲文從玄於此

牝 谿谷 哲匠 匠謂善宰萬 逸爵 猶飛 紆勝引 邀

勝人相 阿衡 謂 勾奴 晒 田千秋 取相事

謝混游西池 混思與友朋 相與為樂也

蟋蟀唱 毛詩曰蟋蟀在堂歲聿其 勞者歌 韓詩

木廢朋友之道缺矣勞者 美人 謂友 南榮 庚桑

歌其事皆思友之詩也 南榮 楚謂

汝思慮營營 選詩訂註 卷二 四

謝惠連泛湖歸出樓中翫月

瀛澤中山山椒頂

謝靈運從游京口北固應詔京口江口北固山名靈運從宋

高祖上此山樓望江

汾水游堯見四子汾水之陽

謝靈運晚出西射堂射堂在永嘉西靈運獨處常不得意作是詩也

此以下皆永嘉所作

含情尚勞愛萬物含情尚愛儔類

謝靈運登池上樓靈運被譖出時有疾起而作是

潛虬飛鴻虬以深潛而保真鴻以高飛而遠害今已嬰俗網故有愧虬鴻也

謝靈運游赤石進帆海

瀛壖海岸也窮髮不毛之地在北海之北川后波神天吳水伯石

華附石海月如鏡皆子牟中山公子牟謂詹子曰身在江海之上心

居魏闕之下任公言孔子困于陳太公任往吊之曰直木先伐甘泉先竭

謝靈運登石門最高頂

駛疾也九秋幹松之類三春莢草之類言心契堅貞自游于道翫色亦同

于俗也

謝靈運於南山往北山經湖中瞻眺

解作易曰天地解而雷雨作雷升長草木賞廢

理誰通賞心若廢茲

謝靈運從斤竹澗越嶺溪行

隈曲也隩涯也陁山中斷峴山嶺緬遠也企舉踵葉卷初生未展

顏延之應詔觀北湖田收從宋文帝游曲阿北湖觀收田勤苦

周御周穆王周行天下夏載禹曰予乘四蓄軫載隨山刊木

蓄車不行豐穎穎穗也飛奔車也流綴或散或連緹殼騎也開冬

春徂物殘悴盈化先言開冬而視徂落之物雖已殘悴而尚盈于殘悴之

先言可觀也攢素木葉既落霜封其枝積翠松柏交布息饗報嘉歲

通急戒無年息人饗宴以報豐歲後筵延年凌

遽捷速繆牽見前

顏延之車駕幸京口侍游蒜山作

元天山名日觀太山東南入河起陽峽踐華因削成秦築

長城渡河據陽山踐華山為城華山四面峻如削成巖險去漢宇襟衛徒

吳京

言巖險之固去彼漢宇襟帶周衛

園縣

山陵

方望

祭四方羣神

誕曜

浮曜也

應辰

辰北方星宋以水德故云應辰

薨

棟岳濱

齊桓公時岳濱諸侯莫不來服

祥習在十征

先王卜征五年歲卜

其祥祥

昔老

謂司馬談也天子始建漢家之習則行封而太史公留滯周南不得與

遺

氓

謂自謂

空食疲廊肆反稅事巖耕

言已素餐疲于廊廟之列今欲

反輸國稅

顏延之車駕幸京口三月三日侍游曲阿後

湖作

春方

東五州

九州之地宋得其五

山祇

山水神

水若

水神

瑤軫

玉輅

藻舟

畫舟

萬軸

車也

胤

繼也

千翼

舟也

彫雲麗璇蓋

以玉飾蓋

彫鏤雲氣

綵旂

旗名

荆豔

楚歌

河激

女涓者津吏之女趙簡子渡河

於中流奏

金練

金甲

民靈

人神也

鱗翰

魚鳥也

騫聳

驚懼

鮑昭行樂至城東橋

開芳及稚節

開布芳華宜在幼年

含彩吝驚春

含其光彩驚惜春序

恐時過年謝

沈約鍾山詩應西陽王教

鳳翔淮海

喻宋之興

八解

維摩經云入解之

四禪

大品

經之初禪二禪三禪四禪

五藥

草木虫石穀

三芝

石芝靈芝肉芝

歲暮

喻老

也

沈約宿東園

祈年觀

秦所立

望仙宮

漢所立

徐悱古意酬到長史漑登琅邪城詩

灞澹

二水名

鴛鸞

殿名

燕山石

實憲破句

函谷丸

隗囂

將王元謂囂曰請以一丸泥東封函谷關

霸上戲

漢匈奴入邊劉禮軍霸上文帝馳入

其軍曰霸上

數奇

李廣不侯

選詩卷二訂註



